

Թեսաղոնիկու: Այլ և դայր յերկնից կորեկ թղաչափ ի Տրամատայ յերկիրս Յունաց որ ասի Ռումէլի: Այլ և ի Մանկալայ ցորեան և յայլ տեղի՝ դարի. զկորեկն և զցորեան առեալ ոմանց ճանապարհորդաց՝ բերեալ աստ, զոր տեսաք աչօք մերովք. և յորժամ աղացին, ասէ, ալիւր լինէր ի համ լեղւոյ և ոչ լինէր հաց: Վարդապետի յաւուրն երեկոյի որ Իմ Յուլիսի, ապա տեսաք անձրեւ ի քաղաքս և ոչ ի չահս, նոյնպէս և յամենայն տեղիս:

Իսկ ի մտանելն Օգոստոսի Դշի աւուր ելին ուխտաւորք ի քաղաքէս դնալ ի Սուրբ Երուսաղէմ ընդ եղիազար վարդապետի նաւով, և Մարտիրոս վարդապետն ևս լուեալ զգնալ մեծին Աստուածատրոյ վարժապետին իւրոյ, ել ընդ նմա՝ զի ի Թէքիրտաղ գտեալ աւրհնեսցի ի նմանէ: Եւ յորժամ ելաք ի Պօլսոյն Կոստանդիայ, էր քամին նոստոսի ընդդէմ մեր, վասն որոյ դէմ եդեալ ի կղզիսն, որ է մզոնս Ի՝ հանդէպ քաղաքին, և ելաք ի Հէպիկէլի կոչեցեալն, ուր տեսեալ Յոյնք պատուասիրեցին զմեզ ոչ սակաւ՝ տանել ի վանս և յեկեղեցիս իւրեանց, զի և ի սկզբանէ ծանօթք մեր էին: Եւ կացեալ զգիշերն ի բուն անդէն, առաւօտեան պահու հանդարտ հողմով երերեալ ծփայաք ի մէջ ծովուն և ի ջերմութենէ արփուոյն խորշակահար տօթոյն շունչք մեր նուաղէին և նեղէին ի ծարաւոյ, և էին անկեալք իբր զկոճղ մի ի գետնի և բնաւին ի կղզեացն յառաջ քան զմզոնս Բ ոչ կարէաք երթալ, և կայաք զաւուրս Բ հանդէպ քաղաքին: Եւ ողորմեալ ի խիղճ սարնդիացոց և մանկանց՝ Լ-րդ ժամու հնչեալ հողմն վօռէք այնքան, մինչ զի հակէր զմի կողմ նաւին, և ընդ այն ուռուցեալ առաքաստին՝ իբր զթեաւոր ընթանայր և հովանի լինէր նստելոցն, և ի քաղցրաշունչ օդոյն զովացեալ լինէին